

鄉鎮志專輯

中國地方志集成

鄉鎮志專輯 ②②下

中國地方志集成

鄉鎮志專輯

22

上下冊

出版

上海書店

印刷

上海市印刷七廠

(上海福州路四〇一號)

發行

新華書店
上海發行所

責任編輯

盧建幸
王海浩

封面設計

范一辛

1992年7月 第一版 1992年7月 第1次印刷
ISBN 7-80569-646-2/K·84

沪新登字119号

南潯鎮志序

南潯鎮在郡東七十二里吾友汪君謝城居之謝城於書無所不窺而尤精於史咸豐丙辰之秋會鎮有編纂志書之舉僉以屬之至戊午冬而書成舉以示余余觀其自序知所采摭自史籍方志襍說以暨家集譜牒流覽之書至二千五百餘冊夥頤搜羅之富也雖然博綜非難櫟括爲難夫史家所記尚有未可盡信者家乘出子孫之手恆多溢美至於襍家小說家者流尤非別而裁之不可謝城實事求是勿使貽誤於後人厥功偉矣其於開濬運河一則辨舊志所書之體突思深慮遠其諸仁人之言也乎或曰

序

此書之考覈精矣然閒有異同並列無所折衷何也曰此公羊子所謂傳聞異辭也古之善著書者如太史公劉中壘皆然後之人沾沾一得輒以抵牾議之豈得爲心知其意者乎抑又聞諸全謝山曰昔人圖經地志莫不扳援占人以爲桑梓生色余嘗卽其言核之遠如王伯厚至譌文種爲鄞人近如毛西河至強西子爲蕭山人以二公之碩學尚猶不免而謝城於附近之世家大族舉未嘗牽率書之觀於寓賢一門斤斤致辨凡偶爾託足於潯者概從削例其限斷又何嚴邪南潯自明季潘氏爾夔始創志棄至道光庚子范氏來庚刊有鎮志十卷張丈秋水嘗病潘志

體例之妄嘗其紀分野表科目幾同優孟衣冠虎賁言笑范志亦多訛漏自序所云韋路藍縷是也今是書出庶一洗從前之陋也夫謝城近著廿四史月日考體大思精爲史學家所未有汗青何日余尤樂得而先睹之也已未五月同邑周學濂簞

序

南潯鎮志目錄

卷首

圖

卷一

疆域
沿革附

卷二

公署

卷三

河渠
水利附

卷四

目錄

衢巷

卷五

橋梁

卷六

古蹟一

卷七

古蹟二

卷八

寺廟一

卷九

卷十

祠墓

卷十一

坊表

卷十二

人物一

卷十三

人物二

卷十四

目錄

寓賢

卷十五

方外

卷十六

職官

卷十七

選舉

卷十八

節烈

卷十九

寺廟二

灾祥一

卷廿

灾祥二

卷廿一

農桑一

卷廿二

農桑二

卷廿三

風俗

卷廿四

物產

卷廿五

碑刻一

卷廿六

碑刻二

卷廿七

碑刻三

卷廿八

碑刻四

卷廿九

目錄

三

著述一

卷卅

著述二

卷卅一

集文

卷卅二

集詩

卷卅三

志餘一

卷卅四

志餘二

卷卅五

志餘三

卷卅六

志餘四

卷卅七

志餘五

卷卅八

志餘六

卷卅九

目錄

四

志餘七

卷四十

志餘八

參訂及采訪校閱名氏

許旦復海樵

吳汝雯半峯

紀磊石齋

紀南枝味琴

陸長春簫士

董開榮勤甫

張喜曾藕卿

沈迎曦升甫

董五敦篠垠

張鍾醉蕉

陸壽五子延

孫履元少樵

桂榮琴甫

蔣維基厚軒

蔣豁李卿

纂述之始先事搜訪凡史籍方志雜說以至家集譜

目錄


五

牒流覽之書二千五百餘冊刺取彙編爲簿輯四十
大冊既乃櫟括以成此志意在兼綜鉅細不遺以爲
繁則後人可以刊削畧將不能復補蕪雜之譏固余
所樂受也顧可攷者失之繁無可攷者仍失之畧或
指摘遺漏以規余無辭矣始於咸豐丙辰之季秋
至戊午仲冬書成里中師友助余不逮有功此志者
並列其名氏注曰楨識

目錄


六

南潯鎮全圖



校正南潯鎮志舊圖

東主震澤縣城家廟



按此圖本明人所繪有圖無字原本已佚范志傳摹頗有誤處今俱按地形改正并畧注方位地名以醒眉目

編眉注實繪圖

疆域

汪曰楨撰



南潯鎮本名潯溪又名南林宋理宗淳祐末立為南潯鎮

迄今不改在京師偏東三度五十分北極高三十度

五十三分按此據康熙時內屬浙江布政使司湖州府銅板輿圖計之

府烏程縣震澤下鄉四十三都唯西北一隅屬四十二都東柵為一

百七十一莊係十區西柵為一百六十三莊南柵為一百

六十四莊北柵為一百六十五莊並係十區鎮市東西三

里南北五里在府縣治東七十二里為湖州府通判南

潯司巡檢南潯汛千總駐所東柵外百步為江南蘇州

府震澤縣界按今修志限斷東至極樂庵前西至三里橋南至康王寺橋北至稽五漾

志一 疆域

東沿運河至曹村震澤縣地三里自曹村由半路亭至震澤鎮

震澤縣震澤司巡檢駐所九里自震澤鎮由雙楊花光

亭梅堰至平望鎮震澤縣平望司巡檢駐所四十一里

凡五十三里

西泝運河至東遷村十二里自東遷由祐村三際橋舊館

晟舍昇山八里店至湖州府城六十里凡七十二里

南至丁家橋五里自丁家橋由穿珠灣半路塘址中塘橋

息塘廟至烏青鎮湖州府同知及桐鄉縣青鎮司巡檢

駐所二十五里凡三十里按此路達烏鎮西柵若由陶墩划船漾沈張漾蘇墟廟渡

船橋至烏鎮北柵亦三十里

北出太湖口十八里自太湖口至東洞庭山蘇州府太湖

廳同知駐所三十六里凡五十四里

東南至陶墩村震澤縣地三里自陶墩由董家新墳嚴墓市至

新塍鎮秀水縣新塍汛千總駐所五十里自新塍由九

里匯至嘉興府城二十七里凡八十里

東北由平望盛墩八斥白龍橋至吳江震澤二縣城一百

里自吳江由夾浦橋尹山橋至蘇州府城四十五里凡

一百四十五里按此係官塘若由梅堰桃花漾大龍蕩港菱草湖麴場港小路至吳江八十八里自吳江由七里

港菱草湖麴場港小路至蘇州

西南至輯里村七里自輯里至馬要鎮本縣馬要汛千總

志一 疆域

駐所十一里自馬要由舍山孟西橋至新市鎮德清縣

新市司巡檢駐所五十四里自新市由韶村漾荷葉浦

至塘棲鎮仁和縣塘棲司巡檢駐所五十四里自塘棲

由武林頭拱辰橋至杭州府城五十四里凡一百八十

里出南柵至雙林鎮歸安縣境

西北至伍浦渡本縣大錢司巡檢及伍浦汛千總駐所三

十六里

至京師二千八百里按驛站自京師至東光驛六百

七十一里入江南界又至姊蘇驛一千零八十四里并

蘇州至南潯官塘一百四十五里得此數舊志作三千

劉沂春烏程縣志南潯鎮南有潯溪其市各貨類聚甚繁

盛按據此則鎮北之潯溪河必非古潯溪明矣

潘爾夔潯溪文獻市廛雲屯櫛比周遭四訖自東柵至西柵三里而遙水則運河陸則荻塘也距運河而南至柵五里而遙自荻塘而北至柵二里而遙蓋鎮無界域以民居爲道里也此據今日目之所睹聞諸父老云正德間居民尚鮮下塘多葦荻則後此盛衰正非可懸擬也又南潯東至平望及吳江西至烏程縣治皆陸由荻塘水由運河若捷出太湖走吳江蘇州較近至于順風揚帆比運河更駛

志一 疆域

又南潯北負具區南控烏戍東遷拱其右曹溪震澤峙其左姚田諸村輩後之藩籬陶墩十三都壯前之聲援闔閭鱗次烟火萬家若水流碧舟航輻輳雖吳興之東鄣實江浙之雄鎮

張鴻鴈南潯文獻志按南潯鎮向有宋元人所繪地圖其東塘負緯而來直抵通津西過垂虹仍登岸以行中間寥寥數家如晨舍驥村然其南一帶則儼然闌闔駢集貨物充盈時廬舍疏密迥異於今數十年前明義庵中尚存此圖惜已遺失祇得明季輿圖今 國家休養生息戶口殷繁縣互已三里矣

范來庚南潯鎮志潯鎮之稱宋以前無聞自宋太宗以潯

東之地割隸平江而鎮地始爲州境東出之門戶乃成

重地按祇園寺莊田記在南宋高宗時止稱潯溪按談輿記

興志亦止 報國寺記在理宗初始稱南林嘉應廟牒在

度宗時乃稱南潯鎮始有官守稅務中有云設鎮幾二

十年成咸淳六年爲庚午逆推而上二十年庚戌乃理

宗淳祐十年然則鎮之設當在是時矣按設鎮當在淳祐十一年之後

蓋幾二十年云者必未及二十年也

又嘉應廟牒文有乃卜地于市中設祠宇而並祭之之句

疑市中二字有誤及觀董徵君重建通利橋記乃知宋

志一 疆域

時之市獨盛于南後漸及于北故自東抵西沿塘河而家者尚少元末築城專爲自蘇至湖運糧之便非爲一鎮民社計故不暇包及市井所以圓通庵內有舊墳爲丁氏之墓尚在明時見丁氏譜中圓通庵地計元末當在城內而至明時尚可築墳則居民不多可知

按文獻曰按名物考元魏時始置鎮官守之制當亦隨之細閱通考自隋而唐各有建設亦不能必其爲潯也吳越備史載孫儒楊行密與錢鏐接壤相持事緒頗悉而潯上不聞設一旅置一吏豈兩時未爲要害歟今攷談倫吳興志曰統記云管鎮有六統記作于景德初元是當時所管之數已損其三之一矣熙豐間王存修九域志止存其六焉程有烏墩歸安有施渚安有梅溪長興有西安水口德清有新市餘悉罷廢後復廢水口置和平

今為鎮六竊攻鎮戍置將起于後魏唐高祖嘗為
金門鎮將是也後齊以來及為唐制每五百
人為一鎮三鎮為一州三百人為一州三百人為一
掌捍禦又置倉曹兵曹參軍掌庫器之類自
藩鎮勢強鎮將之權漸重以至五代為獎益甚兵
權分裂聚斂無藝故兵主于鎮將而財賦器甲則
主于參軍鎮將又率用親隨子弟聽而巳不
民不聊生縣官雖多而每縣又有鎮者以此如
長官為戲置鎮多而每縣又有鎮者以此如
吉縣有安吉鎮德清縣有德清鎮他縣亦然
或監押陞朝官帶都監京官以下帶監押財賦則
參委丞貳諸官帶都監京官以下帶監押財賦則
火兼征商至離省罷遠者則有巡檢寨鎮則
此條源委分明所以縣志有之復如唐以前
之鎮官也乃後人誤會其意凡撰鎮志輒援元
置鎮為緣起不知元魏鎮將兵其權重于州郡
等所謂五百鎮者將多郡兼領主兵數是登後
代分防佐貳所可同年而語哉青鎮志曰按元

志一 疆域

五

魏時始置鎮以鎮之名助于元魏非也古所謂鎮
者以地當險往來必爭之區愛命方嶽重將鎮
之烏青兩鎮不過市廛所聚而分轄于三府七邑
較他市集為衝要宋史職官志諸鎮置管下人
烟繁盛處設官管火禁或兼酒稅事蓋民間聚落
止以村名惟設官以鎮防者始得稱鎮故宋設鎮
官監稅其繁衙官曰監嘉興府安南鎮青鎮推矣
證也所非極明劃焉青如是而南鎮可類推矣唯
元時張士誠築南潯城遣將守之似與古鎮相
近然其城僅周三里而明兵既下湖州轉至南潯
守將王勝遂降未幾而城亦毀撤
以視後魏六鎮終覺擬非其倫也

元戴表元東離湖州泊南潯張帆出東郭沽酒問南
潯畫屋蘆花淨紅隄柳樹深漁艘齊泊岸橋市盡成
林吾道真迂闊浮家尚越吟

明韓奕湖州道中百里溪流見底清苔花蘋葉雨新

晴南潯買客舟中市西塞人家水上耕岸轉青山紅
樹近湖搖碧浪白鷗明櫂歌誰唱鸞鸞月彷彿吳儂
子夜聲

明文徵明夜泊南潯春寒漠漠擁重裘燈火南潯夜
泊舟風勢北來疑雨至波光南望接天流百年雲水
原無定一笑江湖本浪游賴是故人同旅宿清樽相
對散牢愁

明王穉登臘八日阻風南潯說偈戲似順師臘月八
日南潯曲雪花滿船浪如屋如來得道道在何師不
肯言唯喫粥

志一 疆域

六

明安國南潯道中春來蹤跡類浮萍歷徧長亭復短
亭數里石塘天未曉半篷殘月酒初醒湖光豁目開
銀鏡山勢迎船擁翠屏遙望浮圖雲際出舟人指點
是吳興

黃周星甲寅九日潯溪諸子招同湖州舊守吳君泛
舟即事只將望遠作登高桂棹蘭漿豈告勞胸有千
峯並試杖時非八月亦觀濤龍蛇奔命愁斑管鷗鷺
忘機笑錦袍酒德如天難作頌劉郎爭敢更題糕
吳綺九日同明進士黃九烟南潯秋泛佳會相攜上
水蘭南林秋泛水雲寬由來此日莫輕負向後欲遊

應漸寒秣米登場家醞熟蓼花吹袂客衣單此身雖健干戈滿救世須多七返丹

〔又南潯泛舟〕七月新涼暑漸微荷花深處釣船歸五湖魚鳥猶相識爭傍蘭橈不忍飛

〔陸叢桂吳興別故人歲華行欲盡離亭露將夕寸心歧路間日落南潯客

〔鮑鈺南潯小泊〕水市千家聚商漁自結鄰長廊連蔀屋斥堠據通津舟子催沽酒村姬偶避人平生湖海客羞現宰官身

〔又夜過南潯〕數里間村犬昏烟小市寬風便須慮穩

志一 疆域

七

天迴望舒寒夜舫停吹笛疎燈罷倚闌提壺臨水榭一遣旅情歡

〔又南潯舟次贈吳縣李景山明府知君家近祝融峯兩地湖山名目重

謂洞庭

鰕菜三秋連笠澤烟波百里

接花封朱紵疏越過音在綠水芙蓉秀氣鍾謬謬松風欣御李同舟人愧郭林宗

〔又南潯不醉南潯酒於今十五年行藏真率爾鬚鬢欲蒼然戊卒秋傳析漁郎夜扣舷浮萍無定跡卽此

感通川

〔又南潯舟次送徐天偉還吳江二首〕松陵江滿碧潭

潭鶯脰湖寬夕照酣此去吳楓猶未落垂虹秋色詠東南○露濕寒塘烏夜啼酒醒殘月片帆飛怪來張翰多歸思鉞口魚鮮稻蟹肥

〔嚴民法南潯曲〕白蘋亭外西風度吹儂今夜南潯去別浦初殘金粟花歸舟却繫斜陽樹畱滯逢君最可憐雙羅衣薄霜飛天青驄悔結同心侶紅鳳虛隨攜手仙琵琶聲碎若秋雨燈前暗與愁人語江上風湍足歎嗟春時花柳關情緒楚舞吳歌一夕分當筵醉贈珍珠裙明宵置酒西樓望已隔南潯一片雲

〔費莖潯中曉發幽居恆自適適遠亦何心地僻雲知

志一 疆域

八

懶濤酣天欲沈豈嫌多野泛偶或一高吟偏是漁家火飛來蘆荻深

〔錢載泊南潯太尉廢城雪沒先生孤杖帘招一笑百年此夜清風明月雙橋

〔袁枚竹墩訪沈永之不值仙源難久住回艇板橋西霜葉堆篷滿溪雲壓櫓低小畱愁日短重訪爲花迷

暮雨南潯宿聲聲凍雀啼

〔王鳴盛湖州道中〕一棹空濛杳靄間坐看雲樹獨忘還白鹽赤米南潯市流水桃花西塞山焙蘭香生蠶舍火種菱人語碧溪灣千家城郭行將近猶有遙岑

露髻鬟

汪尚仁南潯道中泛艇南潯去煙波盡夕陽漲痕添
鴨綠柳影漾驚黃雨過汀花淨春深岸草香推篷一
凝望暮色正蒼蒼

吳錫麒南潯舟中同問渠叔作東西水柵市聲喧小
鎮千家抱水圓敗齒印沙沽酒展櫺頭抄路送租船
清風橋口三年夢庚辰冬
曾泊此太尉城邊一笑緣點綴荒
寒賴烏柏小梅花壓幾梢偏

董恂南潯十景詞疎影荻塘帆影橫塘百里趁布帆
乍上今日風利渡口潛遮波面平移渺渺送來橋底

志一 疆域

九

江邊八字分飛處問夢醒白鷗驚未把夕陽隔住蓬
窗却喚榜人斜曳不斷蒲懸席挂看蘆灣荻汊旋露
還蔽桂楫棠舟東船西舫日日愁風愁水江湖縱得
人安穩已識慣天涯愁意到夜深寒月初高又把明
湖全翳○齊天樂禪院鐘聲墨溪南去春波綠蕭蕭
傍溪烟寺僧課喧餘韻音歇後一片疎鐘催起風前
響遞看梵塔霜高佛龕香細百八蒲牢數聲吹度白
雲裏清音催作去聲薄暮正天雷返照霞散餘綺寂坐
頻聞憑欄暗數遍屈屈纖纖葱指人喧晚市已拓盃多
歸點燈還未待到敲殘又禪扉靜閉○翠樓吟南樓

春曉柳上青歸梅邊白破東風已減寒峭畫樓高百
尺聳天半韶華先到亭臺多少看樹樹芳生花花香
繞風光好向陽門地得春偏早傾倒詩伯詞仙料翦
紅浮白醉吟酣笑鸞閣還結伴也油壁香車侵曉鶯
喧蝶鬧想盡捲蝦簾齊開了烏欄干外更看明月一
峯煙罩機在家紹開園中圖
有明月峯高二丈餘○新雁過妝樓東閣臨
流畫閣高寒凌煙聳中流砥柱同看綠波十里流過
半邏亭邊樓上起樓虛四壁屋頭架屋疊三間倚層
欄布帆葉葉飛渡清瀾何時登臨最好記月懸玉鏡
菜布金田買糕重九還又捉醉偷閒呼童把窗洞啟

志一 疆域

十

便千里都教來眼前梅花曲聽倚來長笛聲徹瑤天
○慶春宮通津霽雪桺絮吟成冰泉煮後北風正釀
輕寒纔散同雲微烘澹日怕教玉地催殘臥虹高處
蠟雙屐扶童去看踏來瓊苑過又瑤街徙倚橋欄凝
眸一白漫漫萬樹梅花粉碎香癡雁齒層鋪魚鱗平
疊有人歌徹梁山鄭家詩思定吟鼻今朝擁酸且教
歸去氍帽茸衫驢背馱還○埽花遊垂虹夕照架梁
疊石看水面飛虹跨河橫臥曳筇客過愛衢臨四達
路通一舸雁齒層層淨拂欄干小坐洗眸望正斜照
盪空斜日初墮天際雲淡沱看返景金搖晚霞紅破

樹陰烟鎖已鴉陣歸巢漁舟吹火可惜風光付與塵
區土鉏且歸麼有聲聲麗譙催我○菱荷香曲江菱
歌聽清歌正秋深石渚雪點晴波一繩低界綠雲平
織纖羅藕兄兄弟道種菱勝似栽荷處放處鏡面新
磨紅嬌翠婉六幅裙拖更恨家臨九曲似阿儂腸繞
曲曲愁多盪舟人到也教愁蹙雙蛾嬌喉宛轉濁水
遊無奈伊何還怕薜蘿逢他低頭不顧馬上郎過○
西子妝范莊蓮沼一舸偕搖五湖共隱韻事易添歡
喜如何一曲小橫塘豔香名也稱西子彎彎玉臂開
紅唱還將伊比見鴛鴦問浣紗纖手而今來未西風

志一 疆域

土

裏墜月沈烟又聽清歌起相思不識種花人想花邊
白鷗應記秋都老矣莫重話雲情雨意倒金樽且醉
花前綠螳○滿江紅西村漁火泛宅浮家算漁子只
商魚計傍蘆嫩燕來枯蚌比星還細生活且謀春水
外人家多住孤村裏趁黃昏明月未曾高船來矣搖
微燄螢同曳馳幽火鷗先避共漁兒漁女一燈蓬底
此夜拋叉停古渡明朝換酒登墟里笑吳儂逸興等
濠梁看偏喜○踏青遊古濠走馬拾翠尋芳東風又
催遊騎記昔日孤城百雉問烟村沿曉郭重經荒址
只剩下蕭蕭馬嘶芳草不斷夕陽流水縱目郊原垂

楊小桃如綺想太尉雄曾一世冤葵搖燕麥秀如今
何似且小駐茫茫古懷無盡說與跨鞍遊子

范來庚秋舫漁唱古壕走馬畫堞曾傳竊據兵西風
乾別膽空城百年草莽無豪傑千古江山有戰爭日
落尚思旌旆影水流猶帶鼓鼙聲祇今怕問前朝事
衰柳哀蟬噪晚晴○洗粉花香門前新漲落花多萬
斛胭脂瀉綠波春雨半篙潄紗水西風一曲采蓮歌
溪邊尚挂千絲網河底空傳五色螺遙指洞庭山兩
點家家眉黛學雙蛾○垂虹落照鄰鄰雁齒數垂虹
拾級遙看路可通流水暗連芳草綠夕陽低抹小橋

志一 疆域

土

紅片帆遠樹孤村外細雨斜風短調中千載元真今
已杳笠蓑何處問漁翁○范莊蓮沼紅闌百折映芳
池開到芙蓉第幾枝四面好花西子沼一灣流水范
蠡祠空教越女歌蘭漿更想吳姬雪藕絲剛見有人
拋鈿扇誰家樓閣晚涼時○西村漁火蟹嫩漁汀兩
岸深夜深燈火隔溪明疎星幾點澹無影殘月半鉤
涼有聲遠樹烏啼霜漸冷孤篷酒醒夢難成江湖秋
水蒹葭老鷗鷺思尋舊日盟○疎山望月誰將坏土
擬金焦有客登臨興亦遙幾輩舊遊懷舊侶一年明
月憶良宵眼空玉宇三千界夢繞揚州廿四橋歷歷

